




TAIXEKANANIH ITECH MASEWALALTEPEMEH



KEMAN MOIXTALISKEH, MONECHIKOSKEH,
MOSEMPALEWISKEH WAN KITSTIASKEH KENIW KWALI
**SENOHTOKASKEH IN TOKNIWAN TEIN TAIXEKANASKEH
ITECH MASEWALTEPEMEH WAN OKSEKI TOKNIWAN
MASEWALMEH TEIN WALEWKEH NE ANALPA
TEIN IXPOWIIH ITECH IN WEYIALTEPET PUEBLA**

► Wan kiixekana in Instituto Poblano de los Pueblos Indígenas (IPPI). ◀

1 ¿Keyeh moneki mah moixtalikan in tokniwan tein taixekanaskeh itech tataman masewalaltepeme?

Mah moixtalikan in tokniwan tein taixkekanaskeh itech tataman masewalaltepeme semi motelneki, ta iwki kwali mononohtsakeh in masewaltokniwan itech masewalaltepeme iniwan in weyixiwtekiwah wan ihkón kwali kinemiliskeh toni okachi moneki mah mochiwa kemeh okachi kimpowkaitaskeh itech innemilis, kemeh yehwan monohnotsah.

2 ¿Toni kihtosneki se nechikol tokniwan tein taixekana itech tataman masewalaltepeme?

Se nechikol itech se masewalaltepet kampa mosentiliah takameh wan siwameh iniwan okseki masewalmeh tein walewkeh ne analpa wan kinixpephenah kemeh yehwan ipa kichiwtiwitseh ne wehkaw.

3 ¿Katini ininchiwalis in taixekananih itech tataman masewalaltepeme?

Yehwan taixekanaskeh itech in tataman masewalaltepeme wan okseki tokniwan masewalmeh tein walewkeh ne analpa wan ihkón kwali monohnotsakeh iwan in weyixiwtekiwah kampa kiixtaliskeh keniw kinekih sentekitiskeh itech ininxolal.

4 ¿Katin nepalewil onkas mah yetokan taixekananih itech tataman masewalaltepeme?

Tayolchikawaskeh wan kiitaskeh mah moyekchiwakan nechikolmeh itech altepeme kampa tewantiskeh miak tokniwan, ihkón kwali kisepanixehekoskeh toni mochiwtani itech ininxolal kampa kimpowkaitaskeh kemeh masewalmeh wan kemeh monohnotsah itech se masewalaltepet iniwan in tokniwan tein walewkeh ne analpa.

5 ¿Keniw kinixtaliskeh in taixekananih itech tataman masewalaltepeme?

Achtopa mochiwas se ekinika tatsintokalis, amo akin kininpewas, kininyolmelawaskeh, mochiwas ika kwali kemeh yehwan mowikah itech ininemilis wan nochi iwki kinixpowaskeh siwameh wan takameh ika chikwasen panti talnamikilis: Achtopa kisepannemiliskeh, kwali motenkawtiaskes, kininmatiltiskeh, kwali kiixehekoskeh keniw eski, achto kintatsintokiskeh, kiitstiaskeh ox kwali mochiwtiw kemeh motenkawah.

6 ¿Keniw kimpalewis nechikolismeh tein taixekanaskeh iwan in weyixiwtekiwah?



Mosepanohnotsaskeh iniwan in tokniwan tein nemih itech tataman altepeme iniwan in tokniwan masewalmeh tein walewkeh ne analpa.



Kiixmatiskeh wan kiyolchikawaskeh kemeh kinixpowah in masewalaltepeme iniwan okseki tokniwan tein walewkeh ne analpa.



Kiitaskeh mah nochi kwali mochiwa teisá tein kininpalewis in masewalaltepeme.




Kiixnextiskeh katin nepalewil neli okachi kininpolowa in masewalaltepeme.




Mosepanohnotsaskeh iniwan in masewalaltepeme iniwan okseki tokniwan masewalmeh tein walewkeh ne analpa.



Kininyolemaniskeh tokniwan tein ixpowih itech nechikolismeh tein tekutih iniwan in weyixiwtekiwah mah kinixpowakan masewalaltepeme iniwan okseki tokniwan masewalmeh tein walewkeh ne analpa.



Gobierno de Puebla
Hacer historia. Hacer futuro.



Instituto Poblano de
los Pueblos Indígenas